

Headlines

1. एनडीए नै प्रधानमंत्री नरेन्द्र मोदी होरें गी गठबंधन दा नेता चुनने दे कन्नै गै सरकार बनाने दी प्रक्रिया शुरू करी दित्ती ऐ।
2. दुनिया भरै दे नेताएं प्रधानमंत्री नरेन्द्र मोदी होरें गी उपरोतली त्रीह बारी उंदी जित्त पर ममारकबाद दित्ती ऐ।
3. मुख् सचिव होरें आँदे क्षीर भवानी मेले लेई तैआरिएं दी समीक्षा कीती।
4. जम्मू प्रांतै दे केई हिस्से च अंधी, बरखा ते ऐनगड़े दे बाद गर्मी थमां दना राहत थोई ऐ।
5. ते मर्दे दे आईसीसी टी-20 विश्व कप दे अपने पैहले मैच च कल भारत नै आयरलैंड गी 8एं विकटें कन्नै हराया।

<><><><><><>

**NDA Leaders Meeting**

एनडीए नेताएं इक मत कन्नै प्रधानमंत्री नरेन्द्र मोदी होरें गी अपना नेता चुनी लैता ऐ। एनडीए नेताएं कल दिल्ली च कीती दी बैठक च इक प्रस्ताह पारित कीता जेह्दे च 10 बरें दरान सरकार तरफा प्रधानमंत्री मोदी हुंदी सरपरस्ती च हर क्षेत्र च होए दे विकास दा जिक्र कीता गेआ। प्रस्ताह च दस्सेआ गेआ जे देश दी जनता नै 6 दहाके मगरा त्रीह बारी परतियै कुल बहुमत आले नेतृत्व गी चुनेआ ऐ। प्रधानमंत्री होरें आखेआ जे लगातार त्रीह बारी दी सरकार आस्तै एह एतिहासक जनादेश ऐ। बैठक च फैसला लैता गेआ जे एनडीए सरकार देश दे विकास आस्तै कम्म जारी रखोग। प्रधानमंत्री हुंदे अलावा बीपेजी प्रधान जे.पी.नड्डा, केन्द्री रक्षा मंत्री राजनाथ सिंह ते केन्द्री गृहमंत्री अमित शाह होर बी खास तौरै पर बैठक च मजूद हे। एनडीए दे सैहयोगी दल तेलगु देसम पार्टी दे प्रधान एन.चन्द्रबाबू नायडू, जनता दल (यूनाइटेड) दे प्रधान ते बिहार दे मुख्मंत्री नितिश कुमार, शिव सेना (शिंदे गुट) नेता ते महाराष्ट्र दे मुख्मंत्री एकनाथ शिंदे, लोक जनशक्ति पार्टी (रामविलास पासवान) दे प्रधान चिराग पासवान, जनता दल (सैकुलर) दे एच.डी.कुमारास्वामी, अपना दल दी नेता अनुप्रिया पटेल, आरएलडी दे मुखिया जयंत चौधरी, हिंदेस्तानी अवामी मोर्चा प्रधान जितन राम मांझी, जन सेना पार्टी दे नेता पवन कल्याण ते होर दुए किश प्रमुख नेता, इस बैठक दा हिस्सा बने। एह्दे शा पैहले केन्द्री मंत्रिमंडल दी सिफारश पर राष्ट्रपति होरें 17मीं लोकसभा गी भंग करी दित्ता तां जे नमीं सरकार दे गठन आस्तै बत्त पदरी होई सकै।

<><><><><><>

**PM-Global Leaders**

लोकसभा चुनां च लगातार त्रीह बारी जित्त हासल करने आस्तै वैश्विक नेताएं प्रधानमंत्री नरेन्द्र मोदी ते उंदी पार्टी गी बधाई दित्ती ऐ। अमरीका दे राष्ट्रपति जो बाइडेन नै इनें ऐतिहासक चुनां च प्रधानमंत्री मोदी, राष्ट्रीय जनतांत्रिक गठबंधन-एनडीए ते तकरीबन 65 करोड़ मतदाताएं गी उंदी जित्त आस्तै ममारकबाद दित्ती। इक सोशल मीडियो पोस्ट च बाइडेन होरें आखेआ जे दौनें देशें बशकार दोस्ती बघारदी ऐ ते दौनें देशें च भविक्ख इक दुए कन्नै जुड़े दा ऐ। अमरीका दे विदेश मंत्री एंटनी ब्लिंकन होरें बी अपनी पोस्ट च प्रधानमंत्री मोदी होरें गी बधाई दिंदे होई आखेआ जे अमरीका भारत सरकार कन्नै अपनी सांझेदारी अगगे बघाने आस्तै तैआ ऐ ते भारत दे मतदाताएं गी अपने मताधिकार इस्तेमाल करने आस्तै सराहया। बरतानिया दे प्रधानमंत्री ऋषि सुनक होरें प्रधानमंत्री मोदी होरें गी बधाई दित्ती ते आखेआ जे उंदे देश ते भारत बशकार गैहरी दोस्ती ऐ ते अपने रिश्ते अगगे बी कायम राँहगन। रूस दे राष्ट्रपति ब्लादिमीर पुतिन होरें बी प्रधानमंत्री मोदी गीरें गी बधाई दित्ती ऐ। उनें विश्वास जताया जे दौनें देश इक दुए दा सैहयोग कन्नै ताई प्रतिबद्ध ऐ। संयुक्त अरब अमीरात दे राष्ट्रपति शेख महोम्मद बिन जायद-अल नाहयान होरें भारत गी प्रगति ते विकास दी बक्खी लेई जाने आस्तै श्री मोदी हुंदी



जिले लेई नामजद मास्टर ट्रेनरें कन्नै गल्लबात दी इक बैठक दी अध्यक्षता करने कन्नै कीती जेहदे च बक्ख-बक्ख विषयें पर ऑलाइन गल्लबात कीती गई। स्कूल आधारित सेहत गी बढ़ावा देने कन्नै सरबंघत कार्यक्रम दा मकसद विश्व सेहत संगठन ते संयुक्त राष्ट्र दिएं होरने अजेंसिएं दे सुझाएं ते मापदंडे मूजब स्कूलें च बच्चें दी तंदरूस्ती गी जकीनी बनाना ऐ।

<><><><><><>

### **Poonch Mishap**

पुंछ जिले दे बलनोई इलाके च कल दपैहरी इक गड्डी शिडत्रकें परा रूलकियै हेठ जाई डिग्गी जिस करी इक महिला दी मौत होइ गई ते दऊं होर जने जख्मी होई गे। आकाशवाणी दे पुंछ संवाददाता अनुभव मिसरी नै पुलस अधिकारिएं दे हवाले कन्नै खबर दित्ती ऐ जे एह हदसा चुवारा गली बलनोई मनकोट थाहर कश होआ जिसलै टाटा मोबाइल पीबी03 बीके-5126 दे डरैवर दा ओहदे पर काबू नेई रेआ ते ओह शिडकै थमां हेठ रूलकी गई। हादसे च इक महिला दी मौत होई गई ते दऊं होर लोक जख्मी बी होई गे। पुलस ते मकामी लोकें मौके पर पुज्जियै जख्मिएं गी उत्थुआं कड्डेआ ते इलाज लेई नेडे दे अस्पताल पजाई दित्ता।

<><><><><><>

### **RTO Jammu**

गडिडएं च होने आली ओवर लोडिंग ते नियमें दी खलाफवर्जी पर रोक लाने लेई चलाए गेदे अभियानें च होर तेजी आहन्नदे होई एआरटीओ रेहाना तबस्सम हुंदी अगुवाई च आरटीओ जम्मू दी इक टीम नै कल जम्मू-श्रीनगर राष्ट्री जरनैली शिडकै पर इक विशेष अभियान शुरू कीता। अभियान दरान बसें, टिप्परें ते स्कूल बसें सनें तकरीबन 130 गडिडएं खलाफ कारवाई कीती गई। रूट परमिट दी खलाफवर्जी, ओवर लोडिंगख सीट बैल्ट नेइ लाने ते होरने बक्ख-बक्ख वजहें करी 48 गडिडएं दे ई7चलान कीते गे। डरैवरें ते आम लोकें गी ट्रैफिक नियमें दी खलाफवर्जी नेई करने बारे जागरूक बनाया गेआ। नियमें दी खलाफवर्जी करने आलें पर 1 लक्ख 42 जहार रपे दा जुर्माना बी लाया गेआ।

<><><><><><>

### **Weather**

जम्मू ते एहदे आले-दुआले दे इलाकें दे लोकें गी कल बरखा, ऐन ते अंधी झक्खड़ चलने करी जबरदस्त गर्मी शा किश राहत थहोई ऐ ते खित्ते च तापमान च बी बिंद कमी दर्ज कीती गई ऐ। जम्मू संभाग दे कठुआ, कटरा, रियासी, उधमपुर, बटोत, भद्रवाह, पुंछ ते केइएं होरनें इलाकें थमां बी बरखा बरने दियां रिपोर्टां हासल होइयां न। हासल जानकारी मूजब कटरा च श्री माता वैष्णो देवी जी दी हैलीकाप्टर सेवा ते कन्नै गंडोला सेवा बी जंदी संजा खराब मौसम करी प्रभावत होई। तोआई मौसम विभाग मूजब जम्मू च कल्ले दा बद्धोबद्ध तापमान 41.9 डिग्री सैल्सियस दर्ज कीता गेआ।

<><><><><><>

### **ICC Cricket**

आईसीसी क्रिकेट विश्व कप दे इक मैच च कल भारत नै आयरलैंड गी 8एं विकटें कन्नै हराया। दौनें टीमें बश्कार ग्रुप स्टेज दा एह पैहला मैच हा जेहड़ा न्यूयार्क दे नस्साउ काउंटी इंटरनैशनल स्टेडियम च खेड्डेआ गेआ। टॉस जित्तियै पैहले आयरलैंड गी बल्लेबाजी करने लेई आखेआ ते उंदी पूरी टीम गी 16एं ओवरें च कुल 96 रंज पर आउट करी दित्ता। हार्दिक पांडेया नै आयरलैंड दे त्रै ते जस्प्रीत बुमराह ते अर्शदीप सिंह नै दो-दो खडारी आउट कीते। परते च भारतीय टीम नै 12 ओवर ते 2 गेंदे च गै शडियां दऊं विकटों मोहाइयै जित्त दा लक्ष्य हासल करी लैता। कप्तान रोहित शर्मा नै 52 ते ऋषभ पंत नै 36 रंज बनाए। ग्रुप स्टेज च भारत दा अगला मैच 9 जून गी पाकिस्तान कन्नै ते ओहदे बाद 12 जून गी अमरीका कन्नै होग।

<><><><><><>